



## Publicaziuns officialas dils 20-10-2017

---

### Damonda da baghegiar

Nr. 94/2017

Datum da publicaziun: 20-10-2017

Patrun: Baselgia-Tettamanti Cecilia & Baselgia Alexi, 7403 Razen

Representant: Tuor Carli, 7172 Rabius

Liug e parcella: Marias Dado; 470

Object: spazzar il clavau

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 20-10-2017

*Cumissiun da baghegiar Sumvitg*

### Preparaziun sin temps d'unviern

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il duiv risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedida.

Quellas lavurs da preparaziun sil temps d'unviern ston vegnir exequidas entochen alla fin d'october 2017. En cass d'omissiun refusescha la vischnaunca suenter la sesiun d'unviern scadins donns occuri ord la rumida da neiv.

Sumvitg, 20-10-2017

*Departament traffic*

### Rumida da neiv 2017/2018

La vischnaunca exequescha era uonn puspei sin incarica la rumida da neiv per privats. L'indemnisaziun per quella lavur corrispunda allas cundiziuns che l'industria privata pretenda. Plinavon sto quella dismessa da neiv star anavos en prioritad alla rumida dils implonts publics d'avertura. Sche pusseivel duei l'incarica vegnir surdada alla vischnaunca mo leu nua che quella procura era la dismessa dallas vias cunfinontas. Vischinas e vischins che vulan schar exequir la vischnaunca la rumida da neiv da lur vias e parcadis privats duront gl'unviern proxim ein supplicai d'annunziar quei a scret ni per telefon entochen ils **31 d'october 2017** al cau dil menaschi stradal (tel. 079 638 18 19).

Sumvitg, 20-10-2017

*Departament traffic*

## **Donaziun fundaziun Greina**

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2017** digl onn precedent cul formular corrispondent tier l'administraziun communal. Nus supplichein per notizia da quest avis.

Sumvitg, 20-10-2017

*Cumissiun Greina*

## **Las classas primaras dil consorzi da scola Sumvitg-Trun rimnan pupi**

### **Venderdis, 27-10-2017**

All'entschatta ina supplica:

Per simplificar in tec nosssa lavur, fussen nus fetg engrazieivels sch'il pupi savess vegnir ligiaus aschia ch'ils pachets dattan buca dapart. Tiel cartun vala il medem. Fagei aschi bien e ligei era ensemen quel tier pachets. Quei fuss in enorm levgiament per nus che rimnein il pupi sco era cartun. Per mintgina e mintgin da Vus ina pintga caussa e per nus in enorm avantatg. Sco informaziun per talas e tals che vulan menar sez lur pupi e cartun tiellas muldas:

Las muldas vegnan deponidas suandontamein:

Rabius: ina mulda per pupi ed ina per cartun

Cumpadials: ina mulda per pupi ed ina per cartun

Sumvitg: ina mulda per pupi ed ina per cartun

Surrein: ina mulda per pupi ed ina per cartun

Grond engraziament per Vossa capientscha e bunaveglia.

Rabius

Venderdis, 27-10-2017

Sumvitg – Cumpadials – S. Benedetg e Clavadi

Venderdis, 27-10-2017 (avonmiezdi)

Surrein

Venderdis, 27-10-2017 (suentermiezdi)

*scolaras, scolars cun scolastas e scolasts*

## **Chor mischedau Sumvitg-Cumpadials**

**Radunonza generala, venderdis, ils 27 d'october 2017** allas 19.30 ella ustria «Cruna», Sumvitg.

Novs commembers ni commembras ch'han plascher da cantar ein cordialmein beinvegni.

Nossas emprovas ein mintgamai gliendisdis sera. A bien seveser suprastonza chor mischedau

## **Lotto a Sumvitg**

**Dumengia, ils 12 da november 2017** allas 14.00 organisein nus puspei nies Lotto a Sumvitg. Nus havessan plascher da Vossa viseta, reservei quei datum. Cordial engraziament *societad da tir Vial Sumvitg*

## **Uniun da catschadurs Greina, Sumvitg**

### **Invit alla tgira d'atun**

Nus serimnein sonda, ils 28 d'october 2017 a Sulagval. Temps da lavur: 7.30–13.00

Plazza da lavur: Laus (Via Baselgia/Runca Sut)

Uaffens: Vons, resgia da cadeina, capellina e caultschas da resgiar da segirtad.

Eventual sclariment dat nies cau da tgira Corsin Giger, tel. 078 736 97 90, ni sut

[www.catschadurs-greina.ch](http://www.catschadurs-greina.ch) Cun amicabels salids e sin seveser! Per la suprastonza, il cau da tgira, Corsin Giger [www.catschadurs-greina.ch](http://www.catschadurs-greina.ch)

## **Uniun da dunnas Rabius**

### **Finiastras d'advent**

Tgi che ha interess da decorar ina finiastra d'advent duei s'annunziar entochen ils 25

d'october tier Renata Casanova, tel. 078 635 30 37. Nus selegrein sin stedia participaziun.

*Renata e Pierina*

## **Lourdes-Pilgerverein Surselva**

### **Gottesdienste im Oktober 2017**

Wir laden alle zu folgendem Gottesdienst ein, auch nicht Mitglieder: **Donnerstag, 26. Oktober 2017**, 19.30 Uhr in Surrein

Wir freuen uns auf Ihre Teilnahme! *Der Vorstand*

## **Uniun pelegrins da Lourdes Surselva**

### **Survetschs divins el meins october 2017**

Nus envidein tuts commembers sco era buca commembers cordialmein a suandonta messa:

**Gievgia, ils 26 d'october** allas 19.30 a Surrein

Nus selegrein sin Vossa presenza! *La suprastonza*

## **Acziun da spender saung**

**Gliendisdis, ils 30 d'october 2017** dallas 18.30–20.30 en sala da cultura a Trun

Cordialmein envida l'uniun samaritana *Sumvitg-Trun era Vos/Tei!*

## **Controllas apparats d'udida**

**Gliendisdis, ils 30 d'october 2017** saveis Vos schar schubergiar e rugalar Vies apparat d'udida:

9.00–10.30 en Casa sogn Martin a Trun

11.00–11.40 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunabla-mein quei survetsch gratuit per tuts interessents. Ei drova negina annunzia.

### **31 d'october 2017 sera d'informaziun**

#### **Scola da talents.Surselva**

Leis Vus possibiltar a Vies affon ina buna cumbinaziun denter scola e promoziun da talent? Mardis, ils 31 d'october 2017 presenta la Scola da talents.Surselva a tut ils interessai sia purschida adattada a giuvens sportists e musicists. L'occurrnza entscheiva allas 19.30 en l'aula dalla casa da scola Glion. Vegni nunligiontamein sperasvi – nus selegrein sin Vus! Dapli informaciuns anfleis Vus sut [www.talentschule-surselva.ch](http://www.talentschule-surselva.ch).

### **Infoabend TalentSchule.Surselva am 31. Oktober 2017**

Möchten Sie Ihrem Kind eine gute Verbindung von Schule und Talentförderung ermöglichen? Am Dienstag, 31. Oktober 2017, stellt die TalentSchule.Surselva allen Interessierten ihr massgeschneidertes Angebot für junge Sportler und Musiker vor. Der Anlass startet um 19.30 Uhr in der Aula der Schule Ilanz. Kommen Sie unverbindlich vorbei – wir freuen uns auf Sie! Mehr Infos dazu unter [www.talentschule-surselva.ch](http://www.talentschule-surselva.ch).